

# 自治官書不分卷

〔清〕劉銜撰  
清道光刊本

官箴書集成 自治官書

序

余以己卯使粵時 簞舫先生官於粵當道多言其賢  
余亟欲一見同使者吳淪齋殿撰會受業 先生之門  
先生來試院而余適他往遂不獲見前歲余奉闕防  
來蜀 先生爲闕守私幸當得一見以罄積悃及余至  
聞 先生已移守成都意余還成都時當得數數相見  
及余歸自建昌 先生已擢開歸道僅得再晤其於  
先生素所蓄積莫由測也 先生瀕行出自治官書一  
卷示余於閭閻之休戚風土之利弊籌畫詳備若秦越  
人治病洞見垣一方是以藥劑應手必效而 先生未  
嘗以是爲足余於是知 先生之所以自期者遠也古  
有爲政論者有爲治縣譜者孔北海諸葛武侯集皆有  
手教近世如王陽明呂叔簡集內所存條教皆視他文  
爲勝蓋心之專注在是故明白瑯暢其言可以曉婦孺  
而聖賢無以易其理所謂誠乎誠無不格所以 先生  
自縣令而刺史而郡守一而觀察皆出

持簡天下莫不仰

聖天子知人之明而令嗣成進士爲名翰林則天監 先生

之誠而為循良之報者亦云厚矣而先生願謙甚且是庸言也噫唯其庸也所以不可易也夫

道光十年歲次庚寅仲秋月上浣四川督學使者年家眷侍生郭尙先頓首拜撰

禮部謹

題為

題請入祀名宦事禮科抄出四川總督大學士覺羅寶興會同四川學政蔡振武題已故河南開歸陳許道前任巴縣等縣知縣劉衡持躬醇正立品端方請入祀名宦祠具

題奉

旨該部議奏欽此欽遵抄出到部該臣等議得定例各省舉報名宦該督撫學政每年八月前具題

並將事實冊結送部詳覈於歲底彙題等語查冊開已故河南開歸陳許道前任四川巴縣等縣知縣劉衡江西南豐縣副榜貢生教習期滿以知縣用該故員清廉自矢極力興利除弊巴邑詞訟最繁偵知猾魁先為擒伏嚴除蠹役不用門丁富室收詞親自批發懸鉅儀門有冤抑者鳴之即為斷治試院傾圮首捐俸七百金人皆樂輸歲餘而成邑本五方輻輳值歉歲建議濟荒令各顧各保民以為便任墊江縣以竊賊

咽匪多由捕役參盜為團練法使民守望相助  
真盜准其捕送初犯微賊薄責許其自新盜威  
感化四鄉子弟無力嚮學勸捐立鄉學二十餘  
處其章程至今守之署梁山縣以地包於山遠  
隔水道捐廉修築塘堰綿巨數十里倘有旱乾  
卽決堰口以資灌溉倡捐立義濟孤老兩院月  
給米糧冬給綿衣置田生息為久遠之計追思  
德政民不能忘所有劉衡題請入祀名宦祠之  
處名實相副臣等謹擬准其入祀名宦祠為此

謹具

題

聞於道光二十六年十二月十一日題十三日奉  
旨依議欽此

博羅閩邑紳士公請入祀名宦呈稿

為公舉循良崇祀名宦以光鉅典以符人望事竊以  
天降神明崔子玉祠崇汲縣民懷惠愛朱仲卿祀奉  
桐鄉或廟壁以圖形或絃歌而薦食自古名高召父  
譽著神君未有既留去後之諱思而不獲將來之食  
報者也原任河南開歸陳許兵備河務道前署博羅  
縣知縣劉公諱衡系衍彭城族蕃江右家庭孝友劉  
君良斗粟無私門第清華劉叔度墨莊垂裕蒐羅四  
庫握槩懷鉛絃誦一堂斷齋畫粥壯登寶序三冠童

子之軍旋中副車高列明經之選風教及從龍之裔  
秩滿三年雷封分展曠之疆才優百里當其發分東  
粵象攝南綏固已誦起輿人名推衆母矣丁丑之歲  
乃移鳧島甫涖榕城猥以長材權茲下邑柴車至正  
元德秀筭少餘緣竹馬迎時薛子禮坐無完席詠黍  
苗于行部自具壺飧絕株累於將萌莫煩鉤鉅除胥  
役斂筭之費永弭狼貪增生徒繼晷之高半分鶴俸  
奚囊貯句不名劉龍一錢鄰壤質成願得劉宏一紙  
既口碑之載道亦頂祝以同聲乃當公是之餘聞猶

恐下情之莫達作家人語現宰官身高懸明鏡之時  
案無留牘遠仿揮毫之教堂設鳴鈺課吏嚴明悉罷  
催科之役間民疾苦無須備從之隨納總者聽其贖  
堂不聞唱卯舞文者絕其交構不任門丁二載于茲  
四民咸悅迨其沈香以去竊證無從空攜兩袖清風  
滿載一船明月雖潁川之父老借寇難期而順陽之  
謳歌思劉倍切此琳宮梵宇所由奉牌位以祝長生  
白叟黃童無不望行轅而遮去道也厥後驅車蜀道  
捧檄巴州趙清獻琴鶴自隨陸尙書被襪如故所至

四

有青天之目始終盟白水之心曼除四品頭銜實出  
九重  
心簡遂張季鷹之願旋憶尊離符李西平之年遽騎  
箕尾斯固蒼生所同惜尤為青史所必書第冀黃善  
政遐邇雖仰其神明而桑梓霑恩祇奉實同於父母  
欲合粉榆之頌禱宜錫蘋藻之馨香不有名祠焉崇  
秩祀況我 國家

尊有位奕代尙有榮施而賢大夫論定闕幽沒世宜昭  
美報敢臚棠蔭共寫葵私俾肅相祠中劉文饒許添  
一席樂公社外劉仲雄並峙千秋繼羅豫章而同著

芳聲與陸稼書而俱傳懋績俎豆獲分西序藉并多  
士之忱瓣香敬為南豐長與上丁之祭則合公評以  
昭公好永矢弗諼溯明德而肇明祗用垂不朽矣  
履歷冊壹條事實冊八條計共九條

惠州府博羅縣儒學為據呈公舉循良崇祀名宦以光鉅典以符民望守遵將前署博羅縣知縣劉衡任內政蹟及所行事實逐一備造冊報施行須至冊者計開事實

恩科

一故縣令係江西建昌府南豐縣人嘉慶五年庚申發廣東署四會知縣於嘉慶二十二年十月調署博羅縣知縣二十三年題補新興縣知縣即於是年十月卸博羅篆二十四年丁父艱旋里道光四年起復

六

選授四川墊江縣署梁山縣調巴縣梁年題陞緝州直隸州知州旋擢保甯府知府九年調成都府知府兼署成縣龍茂道十年擢河南開歸陳許兵備河務道因得疾告歸卒年陸拾有七子五人長長曠廩貢生次良騫監生次良駒辛巳舉人已丑翰林院庶吉士現掌江南道監察御史次良馴丁酉舉人次良馴丁酉副榜並無子孫現任九卿

一廉潔儉約到任之日苞苴悉絕陋規力為裁革屏嗜欲節冗費凡衣服飲食務以儉樸自奉非祭祀大

典多穿滌濯衣服嘗曰六事以廉為本然非儉則不能廉故著中自幕友故舊下及門閭輩亦無敢以辭麗自炫者或道逢少年奢華者即於道旁訓飭戒勉日用所需悉以現錢交易每公出自帶行糧居民舖戶莫不安之

一居官循理守法惟謹自製壹聯懸于大堂外甬道旁大抵以不盡心不受賄自戒自勉花廳壁上掛庭訓莫作孽三大字奉以自勵凡所作為言行相顧非塗飾耳目之為也

七

一正己率屬考其殿最屬吏觀感固兢兢自守至御下尤整齊嚴肅往日署內門印輩各攜眷屬僦民房居住其門如市外則撞騙招搖內則攬權竊柄自到任後刻意芟鋤故署中除官眷外餘人並無家屬各給工食不許私取陋規關防甚密非奉命不許私出宅門向日所稱幹差數名威福自雄穿着侈靡至是成屏息而遁迹唯醇謹樸實者得邀役使焉

一儒雅重士好為培植人材到任旬餘日即傳諸生詣明倫堂宣講四書并訓以立身行己大節因書院

出息淡薄生童膏火限於額數甄別後捐廉廣額每月蓬堂課之期必進院內生童入署作文為之口講手畫情同師弟仍為設席款待文理優者更有獎賞是年戊寅

恩科舉行賓興親到者給予卷資筆墨錄科後凡有名入場者郵寄卷資交學分給仍捐廉存商生息另撥遞年公項至今鄉試猶有所資縣試局考務在遴選真才杜絕傳遞僱倩請獎每場後必有程文張掛由其樂此不疲也

八

一居心愷悌處事精詳愛民如子廣教化勸農桑愷切懇至一時口碑載道迄今二十餘年人猶思慕不忘囹圄中定案囚徒每朔望必親詣獄中審其衣食察其疾病叮囑獄卒毋得私刑拷索天寒給絮衣逐一驗其厚薄曰彼雖罪難道亦教化不行之故猶吾赤子也身既被桎梏忍又重之飢寒乎  
一務求通達下情察訪民隱恐有怨屈赴訴為書差憲索阻抑者特懸一鑑於甬道旁立木牌列條例數款鳴鑼數聲即為傳訊剖決民咸便之每公出至郵

亭田野間逢父老輒喚近前假以辭色俾忘分盡言故民生疾苦尤悉施為之際與利除弊各當人心出其洞曉輿情也

一存心恕而執法嚴九力為懲汰惡俗博邑最患鄉蠹及外來狡棍并猾胥蠹役含沙捕影一被人命株累無論真假家貲立耗性命難全其無知婦人或夫妻反目或如妯娌睚眦小失不惜身命外氏往往居為奇貨或變賣田房雖經稅契一二十年猶復加價剝貼不已所求不遂多行拚命圖賴或強丐聚夥數十

九

人有病故者遂扛屍圖賴需索不獲輒捏節誣告諸如此類不可枚舉洎任時即加意洗刷每報相驗單騎減從并刑件差役不過五六人親詣驗明被累者不費一錢立予超釋倘無傷痕立即押埋消案問敢翻案上控併將棍匪懲治厥後愚夫愚婦亦自知惜其保全吾民身家性命固無算也  
一英明果決發奸擒伏每鞠案不輕用刑辨駁片時人自輸服前任案懸未結者悉皆判斷清楚多有自知理虧不敢投訊而自求釋訟者其餘案無大小隨

到隨審隨結各服其明允若事關倫紀教化者爲之  
諄諄開導書差嚴憚丰采無敢舞文弄法以故民不  
受拖累羈縻之苦得享耕田鑿井之樂也

一臂力強健不憚勞動公餘之暇至昏夜撥差役三  
數人隨從已藏器械燈微行窮巷僻壤靡所不至  
營弁聞之亦撥目兵親隨緝訪由是社鼠潛踪村  
鬼息吹若窩場聚賭者亦有所憚而不敢至本境河南  
巡船務派親信官親家人督率查緝恒諭之曰巡船  
之設原以稽查賊匪出入若藉此以勒索商船俾行

旅受累發覺斷不汝貸故往來舟楫無稽留焉

一催科簡易博邑城內向有徵收錢糧店二三間四  
屬共設十站每年開象後卽出站派差到任後卽撤  
去錢糧店及各站令赴大堂完納次年開象後并不  
出差催收曰當此春耕之候吾民籽種牛隻向需  
盡奈何益之以追呼刺啄俾民更增無名之費乎然  
輸納者絡繹不絕至八月估所收較往年有增無減  
蓋其實心實政有以入人肺腑故民亦知急公奉上  
而樂效輸將也

揚爲詳請崇祀名宦以彰有德以慰輿情事據廣東  
布政使葉名琛詳稱據署惠州府知府白從瀛詳據  
署博羅縣知縣湯聘三准儒學牒據屬內紳士掌四  
川道監察御史韓榮光刑部貴州司主事聶榮禧原  
任鹽場大使舉人黃培元原任教諭舉人謝學增廖  
萬張佩瑛武舉徐祖鏗徐蒙衡周天華張炳昭周大  
安張夢虎盧奮庸姚麟章教職拔貢何應翰教職副  
榜童廷襄蘇天鴻黃文蓉教職歲貢韓文秀歲貢鍾  
廷槐葉大錦朱佐堉謝學成黃琮黃廷彥教職廩貢

七

陳量宏李滋勝職員周希能聶廷期聶廷柱陳重光  
廖生黃錫圭曾象顏馮萃松曾棟魁湯銘曾錫魁殷  
光昌韓紹爲曾仲宣生員韓學箕韓肇元韓文龍鄒  
學海楊天舉黃敏中張祖齡黃壽培黃金相韓堯階  
武生胡世超韓錫蘭韓保成監生胡燦章盧修和韓  
樞之曾端元劉大德余膺庸韓承光邱鳳儀李可度  
劉定元余兆祥等呈稱竊以云云呈稿等情并據聯  
名具結及開事蹟到學覆查無異理合照造事實冊  
具結粘鈐牒移到縣覆核加結粘鈐詳府由府覆核

加結粘鈐轉詳到司據此該廣東布政使葉名琛查  
看得定例內載崇祀名宦鄉賢該督撫會同學政每  
年八月前合詞具題並將事實冊結送部詳覈於該  
底彙題又崇祀名宦鄉賢應確厥事蹟倘名實不能  
相副及僅以人品學問空言譽美並無實蹟者即行  
指駁等因查前署博羅縣知縣劉衡端方植品勤儉  
居官執法如山害稼之莠稂必剪盟心似水蠹民之  
孽政胥捐聽訟獄於公堂案無留牘勸農桑於草野  
戶有盡藏崇文教而培育人材克勉鳴紘之治秉公  
餘而訪求民隱靡慙製錦之才布仁愛以真誠本詩  
書為經濟雖視事甫經一載而蒼生赤子咸誦神明  
今去官已及卅年而白髮黃童猶思德澤徵諸輿論  
不愧誦揚核其循猷宜邀祀典茲據該學造具事實  
冊結由縣府加結遞詳前來相應詳候會核具  
題入祀名宦以昭

盛典並請將冊結送部查核于歲底彙

題等由前來 覆查無異除將冊結送部查核外 謹

會同協辦大學士兩廣總督 耆英廣東學政 全

慶恭疏具 題伏乞

皇上聖鑒勅部議覆施行再該故員劉衡前在禮部咨經  
四川督 寶興會同四川學政 蔡振武於道光  
十六年題准入祀名宦祠合併陳明為此除具

題外理合具揭



欽命廣東等處承宣布政使司特加二級隨帶軍功加一

級紀錄十次傳 爲飭遵詳辦事前據 等呈

稱云云等語據此當批前署博羅縣劉升令居官清

正敷政嚴明至今遺愛猶存洵不愧父母斯民之任

該職員等情殷懇慕念切報崇呈請入祀名宦亦屬

不忘舊德殊堪嘉尚既據造具冊結赴縣具報候飭

縣查明照例詳辦可也粘鈔附除批抄示外合行飭

遵爲此牌仰該縣官吏即將發來粘鈔事實查明照

例造冊加結詳辦毋得遲延速速

十四

本縣詳各憲文據縣屬紳士前掌四川道監察御史

韓榮光等呈稱云云卑職確查得前署縣劉衡篆攝

一年謠興四野考其政績則蒼生赤子猶說冠公溯

厥循聲則絳老黃童咸稱召伯合數十人而聯名請

祀德澤尚存將三十載而衆口如碑儀型可想允宜

入名宦之祠庶以爲食德之報理合云云

本府詳文現據署博羅縣知縣湯聘三詳稱據卑縣

屬紳士前掌四川道監察御史韓榮光刑部主事聶

榮禧等呈稱爲公舉循良云云詳請核轉等情到府

十五

據此卑府查看得前署博羅縣知縣劉衡政堪易俗

德可化民禁絕苞苴劉寵投錢以表潔振興樸樸文

翁治蜀而垂名製聯額于庭前清勤自矢課農桑于

郊外吏役無驚恤囚而心存愷悌除暴則法不姑容

去官幾及卅年而白髮黃童猶歌舊德攝篆甫經一

載而棠陰黍雨共感深仁宜入名宦以崇祠庶沐

盛朝之鉅典理合加具印結連該縣繳到事實冊結詳

候學憲察核轉詳會題實爲公便伏乞 照詳施行

題奉

河南廣總督守善者英廣東學政全慶疏稱已  
致河南開歸陳許道前署廣東博羅縣知縣劉  
衡執法如山盟心似水請入祀名宦祠造具事  
實冊結具

題奉

旨該部議奏欽此欽遵到部該部等議得定例

各省舉報名宦鄉賢該督撫學政每年八月前  
具題并將事實冊結送部於歲底彙題應確覈  
事蹟倘名實不能相副及僅以人品學問空言  
譽美者即行指駁以昭慎重等語今查該省送  
到事實冊內開已故廣東博羅縣知縣劉衡江  
西南豐縣副榜教習倅滿以知縣用洵升至河  
南歸歸陳許道該故宦任博羅時苞苴悉絕力  
裁陋規博邑向有徵收錢糧店之弊該故宦悉  
為裁去令百姓胥赴縣堂完納尤好培植人材

題請

因書院生童膏火限於額數捐廉生息每逢課  
期口講手畫文理優者獎賞博邑最患人命株  
連有被累者立予超釋口碑載道迄今二十餘  
年人猶思慕不忘再該故宦於道光二十六年  
四川總督題請入祀名宦祠經部議准在案  
所有劉衡題請入祀名宦祠之處實屬名實相  
副等謹擬准其入祀名宦祠謹

旨道光二十七年十二月十二日題十四日奉

二

旨依議欽此

四川總督寶為詳請入祀名宦以昭懋典事據四川  
布政使司王兆琛詳案准川東道耿自檢移據重慶  
府知府鄂惠轉據巴縣知縣李世彬詳稱儒學教諭  
常椿訓導楊順昌傑據紳士黃鍾音蕭本源等呈稱  
蓋聞宋登神父汝醫孖瑣薦之誠劉槍作人巴國懷  
棠甘之愛自古澤敷百姓未有不廟祀于秋者原任  
巴縣知縣劉衡江右名儒石渠家學乙酉歲由塾江  
來宰巴邑攜琴赴職逢迎早謝陽鱗飲水居官差役  
嚴除積蠹案無留牘雀角息爭道不失遺鷄音丕變

三

陽春有柳草生而固園皆空昭雪服心花落而訟庭  
長暇而且功興鎖院萬千間杜厦更新力重鼎言十  
二名周庠復舊令嚴編甲害馬胥除饑解呼庚哀鴻  
悉止置義塚而澤周枯骨開濟門以養及殘軀德風  
普被於三巴歲月纔經夫兩載旋移吉曜遽隕福星  
字水流長竟失濟川之楫塗山石古都成墮淚之碑  
遺愛猶存追思不已竊維我

聖朝官方澄敘生既疊有榮施而賢大夫論定闡幽沒應  
彰其美報政臚棠憩合寫葵忱俾循吏進列於名宦

之祠庶輿情共慰夫私心之慕為此公同開呈履歷  
政績伏懇賜文申詳等情經該學查明造具事實冊  
結加結粘鈐由府道查明層次加結移過司准此  
正在查辦間復據墊江縣知縣王達壽梁山縣知縣  
丁鳳舉詳稱已故前任墊江縣知縣署梁山縣知縣  
劉衡文章既著經濟素優潔已愛民教養無慚眾母  
典利除善恩威悉本至公增學校以造人材具神明  
以清獄訟且也經營地勢灌溉有功嚴厲歌聞荏苒  
洽化花封授履羣黎普被恩膏棠蔭留思奕世猶戴

四

善政洵為邑令之式宜邀崇祀之榮均經各學造具  
事實冊結加結粘鈐由州道加結移送到司該布政  
使王兆琛覆核無異理合將實到各事冊結詳請會  
核具

題等情到 臣 據此 該 臣 看得已故河南開歸陳許道前  
任巴縣墊江縣知縣劉衡持躬醇正立品端方修書  
院以育人材鑿堰塘而裕民食興利祛弊葺屋蒙庥  
鋤暴安良好究絕迹置義塚則澤及枯骨設濟田則  
惠逮窮黎趨公而僕從皆屏斷帶可以續燈按部而

供帳悉除投錢乃始飲馬嘉惠既深於三邑芳名宜著於千秋茲據布政使王兆琛轉據該縣學查明造具事實冊結由州府道加結移司詳請具

題入祀名宦前來臣覆查無異除事實冊結送部外謹會同學政臣蔡振武合詞具

題伏祈

皇上聖鑒勅部議覆施行爲此除具

題外理合具揭須至揭帖者

五

四川重慶府巴縣儒學爲崇祀名宦事 學遵將原在巴縣知縣劉衡履歷政績開造清冊

計開

一本宦係江西建昌府南豐縣人嘉慶五年庚申

恩科由附生應本省鄉試中式副榜考充正白旗官學教習嘉慶十三年戊辰秩滿引

見奉

旨以知縣用十八年簽分廣東補新興縣知縣二十四年

丁難歸道光三年選四川墊江縣調巴縣道光七年

六

題陞直隸州綿州知州是年十月題陞保寧府道光九年調成都府道光十年擢河南開歸陳許兵備河務道所在皆循聲卓卓惜抵汴未久得疾告歸道光二十一年正月十一日疾終故里巴邑士民追思德政相率公請入祠名宦卒年六十七歲子五人長良驥廩貢生次良騫監生次良駒江南道監察御史次良駟丁酉科舉人次良馴丁酉科副榜子孫並無現任九卿者

一本宦生平誠信服人清廉自矢勤訪人間利弊極

力興除自奉尤儉約凡署中衣服飲食不改書生面目一切日用無不現錢發買從未累及行戶舖民關防慎密嚴除憲役不用門丁待士子以禮每公見時孜孜詢民生利病而方正嚴毅雖知交不敢干以私情偶有公出必自帶行糧不惟差派初履任悉罷衙前支應飭吏役毋得遠迎時延訪賢士大夫以知地方所急同城武營極與和衷恒周其乏俾緩急相倚禁捕廳毋預公事薪米之需歲時出賞厚助之不罰民間一錢充公相沿漏規概行裁革故所至皆兩袖

七

清風治譜數十卷大都明白顯粵婦孺皆知以故百姓畏服沒世不忘此立身大節也

一本宦學問淵深所至以學校為起化之源巴為郡首邑舊有試院歲久傾圮几案敗壞多不可用士子甚以為苦眾謀修葺卒皆觀望無成公慨然捐俸七白金為之倡勸諭樂輸人情踴躍巴邑及屬屬所捐萬餘金公為經營董率鳩工庇材歲餘而成宏厥堅固為郡壯觀巴學舊額十二中以分學裁去其一爰力言於制府及學使者得奏請復舊額士林頌之此

其造就人才也

一本宦幹濟英明以勤政愛民為先愛民必去其病民者則於門丁書役之表裏為奸尤知之明而屏之亟嘗拈官須自做四字以為治綱應任不用司閹三日收詞當堂親自批發如慎兩造同到即訊結從未羈押一人亦無隔卯候批之累私押及賄批諸弊悉革其有冤抑急難苦壅遏不得伸者定為十條懸鉅大堂許不時鳴之以聞不必具呈即為斷治二堂列長凡文書出納分左右俱有格式諸憲束手無所

八

施巴邑訟最繁訟師輩因緣為奸公下車即偵知猾魁為某某先為擒伏一時虎而冠者皆惶懾欲跡案無留牘詞無株引手批口決莫不各當人人自以為無冤其洞達民隱如此

一本宦為治務使官與民相親民與官相信所泄必蒙其澤而後快故推其至誠深愛民不忍欺所理悉得其情雖處繁劇之區而案牘稀簡與民相安於無事巴邑衝劇號難治平時訴縣庭者日恒十百人訟數年不遣者如之白役至七千餘名聞公至皆遂遊

不敢出公初閱卯冊到者猶及千但留經制十許人  
日卽此足敷差遣矣餘悉除之大堂下舊蓋茶棚爲  
訟棍衙胥聚議之所一夕遽自撤去終公任不敢有  
所觸此使民無訟之徵也

一本宦先事豫防有備無患大憲飭全省編保甲並  
籌辦事宜公奉行甚力民胥樂從更爲推廣條式上  
之值款茂巴邑五方輻輳建議謂濟荒聚不如散爲  
法令各顧各保民稱便而饑不害其通達事變如此  
一本宦清勤自劬若有事於鄉則計所經歷及隣附

九

村曲輒擒訟牒就鞠之故凡以情訴者皆立至不待  
徵令殺傷人及盜賊皆立得不待捕索巴民舊苦相  
驗棚廠供億需索之費一案至破家甚至移禍隣右  
公之出輕騎簡從饌舍皆自辦無一擾及閭閻民感  
之尤深

一本宦蒞任半年之內遺物道上無敢取者秋夏賦  
調限以期令自封投諸積吏無及門而集禁止民間  
嫁娶喪葬奢靡若服飾輪制爲頒式行之遇悔婚案  
官爲作合或稍扶助之弟兄爭產必使之感悟讓財

相與同居如世俗傳奇所載者比比也

一本宦卸篆之後紳民議置義塚卜臨江門外王瓜  
園地寬吉而是山爲江右彭姓業彭故殷富無出售  
意重價購之不能得公聞之引爲己任乃躬詣彭彭  
曾以涉訟無株累感公甚遂亦允之公復助資濟其  
事巴人謂澤及枯骨其地可葬千萬塚是以民不能  
忘也

十

四川忠州直隸州整頓縣儒學為牒請轉詳崇祀名  
宦事謹將原在整江縣知縣劉衡履歷政績造具清  
冊實

呈須至册者

計開

一本宦係江西建昌府南豐縣人嘉慶五年庚申

恩科本省鄉試由附生中式副榜考充正白旗官學教習  
秩滿以知縣用歲癸酉簽分廣東署四會博羅縣補  
新興縣已卯冬丁外艱歸道光三年癸未選四川整

上

江縣署梁山縣調巴縣丁亥題升縣州直隸州知州  
是年十月放成都遺缺知府補保寧府已丑調成都  
府庚寅擢河南開歸陳許兵備河務道得疾告歸辛  
丑年正月十一日在家病沒年六十七歲子五人名  
良驥廩貢生良騫監生良駒現任江南通道監察御史  
良駟丁酉科舉人良馴丁酉科副榜並無子孫現任  
九卿  
一本宦自登仕版正己為先到墊任卽革陋規絕餽  
送以儉為養廉第一關鍵衣惟布繭食惟菜腐署中

每日米鹽零雜立限只用錢六百元或因公出騎從  
甚簡性尤剛毅紳衿戚友不敢私干設臥榻於二堂  
側室屏去一切嗜好惟晝夜理公事而已其立身清  
正如此

一本宦精求吏治知百姓苦官吏侵凌由門丁書役  
妻孥為奸官若信任門丁門丁倚書役為爪牙書役  
藉門丁為耳目因而弊竇叢生剝削地方元氣其在  
墊也不用門丁於二堂東設長桌分界數格所有各  
房送進之案令該書自放桌上堂西設桌如東所有

上

內署發房之案令籤押家人亦放桌上又製一箱所  
有差役稟帖或繳銷差票俱令自放箱內其發出差  
者概係當堂面給內署家丁不得與書役交言舞弊  
其馭下嚴密如此

一本宦以治民在恤貧民恤貧民在保富民富民破  
家胥由涉訟川省多訟半係差役勾串訟師地棍播  
弄誣告自具控以至結案層層剝離非錢不行甚至  
拖延日久累難言盡其治墊也每月三二八日放告當  
堂審詞如有虛誣立行懲責不少寬貸或情節支離

當加批駁其已准差喚者卽於是日懸榜批示一票  
一差限以道路遠近近者四五日遠者十一二日一  
到速審速結親書殊判差役於飯食外不許需索一  
錢並不許擅用鎖鍊私押一人其有冤抑急難苦寒  
邊不得伸者定爲十條懸鑼大堂外許鳴鑼喊稟不  
必具呈卽爲斷治其除詞訟之害如此

一本宦以地方命案具報必須相驗官則僕從如雲  
書役等視爲奇貨先發幹役爲前站勒令搭蓋棚廠  
預備桌席索取差錢大價飯食等項輕亦用錢數十

三

千如係抵償軍流究辦之案更勒取解費一二百千  
其地一有命案被告地主鄰証牽連數十人家產悉  
破甚至延及二三十里之富戶謂之飛隣亦被嚇詐  
其在塾相驗也只帶伴作一名刑書一名皂役一名  
轎夫四名給以夫價路費自備菜食前站棚廠等陋  
規概行裁革地鄰卽於屍場取結釋放如有解費捐  
廉自辦不費民間一錢其除相驗之害如此

一本宦初到塾邑報命案者月凡數次及驗明多因  
細故愚民一時氣忿懸梁投水希圖萬騙害人傾家

乃嚴懲屍親混行吵鬧毆打勒捐行詐者並出示曉  
諭親身苦勸切勿輕生愚民見得官旣清嚴命案不  
能拖累徒死無益人人向化未及半載並無報命盡  
命案者其活性命以保民如此

一本宦以塾邑竊賊囑匪敢于鴨張由捕役蔡盜未  
經破案則一局分肥旣經破案則唆使扳証任捕役  
以弭盜而盜風日熾乃倣古寓兵於農之意爲團練  
法使民守望相助真盜准其捕送決不輕縱初犯微  
賊薄責許其自新盜或感化遠颺捕役不致分肥扳

四

誣未幾而雀荷靖矣其弭盜賊以安民如此

一本宦以塾邑凌雲書院膏火無多每逢月課親定  
甲乙另加獎賞公餘與諸生講論經史文藝窮以孝  
弟忠信明體達用儲異日服官從政之材並以四鄉  
貧難子弟無力向學集紳民勸捐買田計收穀四百  
餘石創立鄉學二十餘處明定章程至今守之其興  
學校以待士如此

一本宦以塾邑孤貧所額設口糧無多又無育嬰堂  
遇有窮老鰥寡格外捐廉散給衣糧其路棄嬰孩小



乞丐收養署中或令軍民人等領爲子嗣稍長者令  
在署學習洒掃諸細務其恤老幼以拯民如此

一本宦愛民如子去蠹去奸無害不除勸耕勸織有  
利皆興至誠惻怛必使蒙其澤而後快故流壅雨載

四境歡聲雷動壑頌青天或演劇作歌以比諸葛亮  
包拯鄰邑有訟獄不平者咸思就質甲申七月調署

梁山送者數千人沿途五十里不絕黃童白叟臥轍  
攀轅奈挽不能留相率詣大府具呈祈請欲還我使  
君未遂也乙酉九月由梁山調巴縣路過墊邑百姓

五

謂其回任欣欣然具盞漿以迎已而知爲赴任巴縣  
則又惘惘然如嬰兒之失慈母今聞其沒追思德政  
久不能忘闔邑士民公聚入祀名宦祠

四川忠州直隸州梁山縣儒學爲公請由詳祠祀名  
宦事遵將已故原署梁山縣知縣陞任河南開歸陳  
許河務兵備道劉衡政績事實造冊實呈

計開

一劉公係江西建昌府南豐縣人嘉慶五年庚申

恩科本省鄉試由附生中式副榜考充正白旗官學教習

嘉慶十三年戊辰秋滿以知縣用十八年癸酉簽分  
廣東署四會博羅二縣旋補新興縣歷有政聲二十  
四年丁艱回籍道光二年起復三年遷四川墊江縣

六

知縣四年署梁山縣五年調巴縣七年 題陞蘇州

直隸州知州是年十月放成都遺缺知府補保寧府

兼署川北道九年調成都府兼署成縣龍茂道十年

閏四月陞河南開歸陳許兵備河務道三遷皆奉

特旨抵河南未久得疾不愈告歸於道光二十一年辛丑

正月十一日疾終故皇梁山邑聞訃閭閻邑士民追思德

政相率公舉請入名宦祠卒年六十七歲子五人長

良驥廩貢生次良壽監生三良駒辛巳科本省鄉試

舉人在國子監學錄己丑會試中式進士

欽點翰林院庶吉士任戶部陝西司主事福建司員外郎

現任江南道監察御史四良駙丁酉科本省鄉試舉人五良駙本省鄉試副榜孫八人長賡附監生次序附監生並無子孫現任九卿

一劉公以堃江縣令於道光四年閏七月署梁山縣篆抵任即興文教訓學校為起化之源旋集生童考錄觀風月課等舉復於間暇教以先器識而後文藝之道邑有桂香書院年久傾頽兼之湫隘公捐廉建修廓其基址添置書舍數十間每月膏火皆捐廉厚

七

發課期命題後輒擬數藝以示生童又於城鄉設立鄉學五處貧民不能延師者其子弟皆有誦讀之所常於公餘必親往觀察邑向無考棚公度地創建因卸事去任未經告竣而規模體制已開其全也由是而邑之士風日起

一劉公才幹精明性情簡易每於內外人等防微最密杜弊極嚴應任各處事無巨細悉本一己親裁法有難寬絕無纖毫情面告期偶有捏情妄控者每面發其覆而人輒自知其罪難被責懲罔不愧服更復

懸鉅儀門凡有冤抑者許其奔鳴隨番隨結民無敢累至於鼠竊狗偷之輩一經獲案照例發落莫不向化從良蒞眾一載遺物道上無敢拾者

一劉公教民以農桑為急務每於鄉村示以樹桑之法設以勸農之條梁邑地包於山與水道週隔公極度地勢捐廉雇工於邑之東北門外修築增堰縱亘數十里如雨稀少偶有旱乾即決堰口灌漑之至今服疇力穡者咸歌誦其德於不諱公初蒞眾時值大旱公設壇祈禱甘霖隨沛間有地土磽瘠而少收穫

六

者必捐廉以賑濟之維時各憲檄飭籌辦義田事宜公竭力奉行民胥樂從更為推廣條式各得其宜其勤於民事如此非實心而實政者不能

一劉公立政有體愛民無類邑有養濟院一所僅養八人此外鰥寡孤獨顛連無告者甚多公首倡捐廉並勸紳民捐輸於東北門外修立養濟孤者為兩院廣額養至四十餘人更復置田生息以作久遠之需月給米糧冬給綿衣迨至春和將衣貯庫數年一更其經費出於田租交糧戶輸流經營胥役不得染指

前任四川布政司陸公驥之爲下其法於各州縣  
一劉公學有本源持躬儉約署中一切費用悉去冗  
汰衣服飲食不改書生面目著有治譜十卷庸吏庸  
言一部蜀僚問答二卷讀律心得三卷今之臨民者  
多奉以爲龜鑑焉前後歷三省凡十一任俱有善政  
案牘可稽惟是紳等僻處偏隅固於聞見不能盡述  
其詳謹就其在梁恩德之及於閭閻遺愛之傳於輿  
論者詮次大凡合請申詳俾得崇祀名宦庶不負劉  
公當日勤政愛民之實心也

九

